

Sa Paglisan Ng Pandemya  
(ni Danilo C. Diaz)

Pag lipas na ang Pandemya  
Kaya'y magsasama-samang  
Mukha'y wala nang maskara  
May takot pa, nangangamba?

Litaw na'ng ngipen at labi,  
Kaliwa't kanan ang bati;  
Kaytamis man ng pagngiti,  
Nakatago ang pighati?

Tunay ba'ng ipadarama,  
Kunwari lang ay kaysaya?  
Hirap man at naging dusa'y  
Mababakas pa sa mata.

Sa paghalik at pagyakap  
Kaya'y lubos na ang galak;  
Tumatawa nang kaylakas  
Habang luha'y pumapatak?

Ang mga ibig makita  
Paano ang pagkumusta?  
Ano'ng naging buhay nila,  
Sino'ng magpapaalala?

Mga hindi masasabi,  
Kinikimkim sa sarili  
Mga dapat ay masisi;  
Sa dibdib lang nakakubli?

#

dcd/dodie  
31Aug2020

